



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 40. redovnoj sjednici održanoj 18. septembra 2014. godine, usvaja

**ZAKON**  
**O IZMJENI I DOPUNAMA ZAKONA O POLICIJSKIM SLUŽBENICIMA BRČKO**  
**DISTRIKTA BOSNE I HERCEGOVINE**

**Član 1**

U Zakonu o policijskim službenicima Brčko distrikta Bosne i Hercegovine (Službeni glasnik Brčko distrikta Bosne i Hercegovine, brojevi: 41/07, 04/08, 36/09 i 60/10), iza člana 115 dodaje se član 115a koji glasi:

„115a

(Poseban slučaj neplaćenog odsustva)

- (1) Policijski službenik ima pravo na neplaćeno odsustvo od dana imenovanja na mandatnu poziciju u policijskom tijelu u Bosni i Hercegovini na koju je izabran konkursom.
- (2) Policijski službenik podnosi pismeni zahtjev za neplaćeno odsustvo danom početka obavljanja dužnosti u policijskom tijelu u Bosni i Hercegovini.
- (3) Za vrijeme neplaćenog odsustva iz stava 1 ovog člana policijskom službeniku miruju prava iz radnog odnosa.
- (4) Policijski službenik podnosi pismeni zahtjev za vraćanje u Policiju na radno mjesto koje odgovara njegovom činu koji je imao u vrijeme podnošenja zahtjeva za neplaćeno odsustvo iz ovog člana, u roku od 8 dana nakon prestanka mandata.
- (5) Rješenje o neplaćenom odsustvu i rješenje o vraćanju na posao donosi gradonačelnik u roku od 15 dana od dana podnošenja zahtjeva iz stavova 2 i 4 ovog člana.
- (6) Policijski službenik je dužan vratiti se na posao u roku od 8 dana od dana konačnosti rješenja o vraćanju na posao iz stava 5 ovog člana.

**Član 2**

U članu 142 stavu 1 tačka e) mijenja se i glasi:

„e) kada policijski službenik ispuní uslove za ostvarivanje prava na penziju u skladu s entitetskim propisima koji uređuju oblast penzijsko-invalidskog osiguranja.“

### **Član 3**

Iza člana 147 dodaje se član 147a koji glasi:

„147a

(Prijelazna odredba o statusu policijskog službenika imenovanog na mandatnu poziciju u policijsko tijelo u Bosni i Hercegovini)

(1) Odredbe člana 115a, izuzev roka iz stava 2, odnose se na policijskog službenika Policije koji se u vrijeme stupanja na snagu ovog zakona nalazi na mandatnoj poziciji u policijskom tijelu u Bosni i Hercegovini na koju je izabran konkursom.

(2) U slučaju iz stava 1 ovog člana ranije rješenje o prestanku radnog odnosa zamijenit će se rješenjem o neplaćenom odsustvu, a ukoliko rješenje o prestanku radnog odnosa nije doneseno, donijet će se rješenje o neplaćenom odsustvu."

### **Član 4**

Ovaj zakon stupa na snagu narednog dana od dana objave u Službenom glasniku Brčko distrikta Bosne i Hercegovine.

Broj: 01-02- 358/14

Brčko, 18. 9. 2014. godine

PREDSJEDNIK  
SKUPŠTINE BRČKO DISTRIKTA BiH

**Đorđa Kojić**